



鄭少谷先生全集序



吾閩少谷先生詩若文流
傳海內已久而人尤膾炙其
詩以為得少陵骨第稍以
步趨擬議求多當先生時

所稱少陵具體莫若空同
尚亦未免斯語嗟夫先生空
同所以與少陵合者別自有
在而非以詩也少陵避亂竄
歸初授拾遺即以抗疏嬰
肅宗怒遷從間關至於負
薪拾橡而愛君憂國之念
未嘗少衰空同初彈壽寧
後觸逆瑾下詔獄者再矣先
生以諫

武廟南巡與梓溪諸公同受
杖闕下此威以雕龍之才
抗鳴鳳之節螭志足羞龍比
未俊忠憤感慨發而為詩宜
手有激調而無繁音有勁氣
而無纖態有惕思而無喬
志有危論而無卮詞維柱藉
支日星並耀此其不朽寧獨
立言而斤斤乎尚以篇章字
句離合吹求所謂飛鴻已翔

於寮廓而羅者猶視手藪
澤也予嘗尚論其世唐之
寶曆

明之弘正乃風雅極盛之時
秦丞相乘之際三先生生應

其期身閱其變詩以當史匪
特少陵而少陵家楚客蜀
空同家秦客汴三峨七澤增
其高深九曲二華並其神秀
若夫劣崩嶢岨摩霄標霞

滄溟漭沆訕日吐月表大
風而獨霸甲震旦以稱雄徽
少谷先生其孰能當此者
盛矣美矣難測究矣抑予
因是竊有感焉山川自有
神臬亦猶文章自有天府
往昔無論

明興諸方家自先生空同而
外先後不乏率皆壯湖海之
氣炳河岳之靈雄々一時礪々

千古逢作者所宜奉以為程
邇來一二輕儻必欲蒐蒐奇剔
異於赤縣神州禹跡亥步之
外而以易曉易就自文其裡
淺者又相率謂口頭語眼
前景即詩家絕妙詞是何
異陟莽蒼之部婁汎邨塢
之曲浦迴溪而遂欣然以天
下之美盡在己也予友括蒼
守鄭君合刻先生詩文於

南度署典型具在遺佚悉收
豈惟知言之君山抑亦救時
之東里蓋世習知先生詩而
不知先生於文尤蒼潔取法
嚴而持論正得之陽明甘泉
兩公碩儒澤為多夫世寧有
真文章真風節而不根極
理道橐籥籥性靈者哉天假
先生以年殆將分擁兩公臯
比不徒與少陵空同稱鼎峙

序
敢因括蒼之請而併及之汗
不至阿稍識其大後之論先
生者度不易吾言矣

崇禎乙亥孟冬同里後學孫

昌裔撰



鄭少谷先生全集序

吾郡自洪永間十子稱詩崛起
草昧力追正始百餘年間則鄭
繼之先生布侯海內與李何邊
薛諸公分鑣而馳一意步趨浣
花得其神骨譚菽之士推爲盛

明正宗先生詩名不脛而走矣
先生壽不永遺稿散落汪福州
希周拾詩若文刻之郡齋歲久
寢漉萬曆初先生外孫林少司
空督學東粵時重刻於潮陽又
三十年鄧觀察汝高稍刪汰其
詩授梓而文則未遑焉汝高已
化板藏家塾近罹鬱攸之禍悉
付煨燼汝高仲子道協僑居金
陵謀爲重鐫甚盛心也昔曾以
展墓過家與予商權今古予性
喜蓄書漁獵先輩遺文如獲重

寶先伯氏惟和曾得少谷雜著
一種予得經世要談一卷遺詩
一卷遺文數十篇尺牘數十幅
皆先生手錄者乃盡授道協彙
爲全集方事剗剗而道協告逝
友人鄭章甫官南戶曹遂捐俸
踵成之而先生雜著種種未及
纂入邵觀察肇復以爲斷金殘
璧安可輕棄因補而續焉噫先
生歿已百年其片楮隻字人爭
珍惜至於今日神物復合豈偶
然哉肇復又採輯先生同時贈

答哀輓及墓碑詩話諸篇附之
於後先生之能事畢矣夫先生
弱冠登朝位非言責迺抗疏
闕廷濱死者九其風裁行誼超
越時流且好遊名山所交非海
內賢豪長者不與晉接著書立
言窮乾坤象數之變察車服制
度之微使天假之以年其造就
寧止於斯耶嗚呼先生亦宇內
一異人矣論世者毋徒以詩文
槩先生可也

崇禎丙子立秋日同邑後學徐

勵興公謹撰



鄭少谷先生集序

初鄭繼之先生有集刻於家其
傳不廣鄧汝高爲浙江監兌惟
取其詩稍哀選之刻於湖州余
選明詩至少谷必欲得其全集

又不能無去取較諸湖州所刻
存者僅四分之一然而選自汝
高者同異亦有間矣去歲董崇
相贈余言以予方之少谷先生
其少年科第棲處閒冗以詩名
號召海內者略同而未且引左
氏之立德立功立言爲三不朽
予謝何敢當先生萬一但致魯
穆叔之對范宣子曰魯有先大
夫曰臧文仲旣沒其言立此之

謂不朽按此卽吾夫子所謂君子疾沒世而名不稱焉蓋人於既歿之後其言足以垂訓與否皆聽於後世取舍之公心而其人不得而與焉故傳又云太上立德其次有立功其次有立言凡言有者謂其德其功與言皆實有諸已故後日雖久而不廢也與夫好名之流襲取於一時而實爲速朽者大逕庭矣繼

之先生位不越郎署年不滿四十而其詩至今人稱之也余選其集亦殊寥寥與他名公無異而公集中之詩與何仲嘿孫太初王道夫諸名公相往復者余選之才得三二首其餘皆擬古登眺感遇之作也然則公於一時交遊中簡澹亦可想見而其海內以及後世顧咸趨之何哉昔之君子不近名而名歸之信

乎其有以立是言者其爲德與
功又可以類推也予自度於三
者何有焉故謝先生不敢當亦
以見夫名之不可以苟得而勿
喪也鄭民部映崑將重刻少谷
集於金陵而問序於予余乃推
所以景行先生之意者如斯而
其詩則直爲言之所寄而已矣
如先生之詩則其所寄者可謂
遠也已矣

崇禎七年甲戌歲全郡後學曹

學佺謹撰



少谷集序

予友鄭章甫重梓少谷先生集
成孫曹二觀察已弁之予復何
言然世之推轂先生者徒以文
若詩王弼州評先生得杜之骨
如天寶父老談器亂事皆實際

感憤竊謂少陵在唐值祿山不
軌傷時感事到處皆憂西灤東
屯流離托跡良苦矣先生當正
德初立朝無幾時值閹瑾用事
屢疏乞歸築少谷艸堂於鰲峰
即予里也顏曰遲清將以俟天
下之清矣迨

毅皇末年瑾誅而嬖人江彬又
搖亂國是莆曹郎黃鞏輩以諫
南巡受

廷杖先生上疏止輦且明鞏無
罪杖亦濱死故其詩一本忠孝

之忱非無病而呻吟也者顧少陵潦倒名場竟慳一第年四旬餘始拜官卒年五十有九先生弱冠登進士未滿四十而歿屈指少陵遇主之年先生墓櫬可材矣遲速壽夭何其不侔惟詩篇渾雄悲壯大率相類予載觀先生品評杜詩指摘瑕疵不遺餘力豈以吾之不可學柳下之可歟又竊計少陵之詩意興偶觸而後世耳食者相沿蹈襲不免畫虎之誚先生神與之契匪

摹擬而得故能掊擊而發黜之
如良醫得疾腠理自知自治然
則先生於少陵其即岳陽之玄
度成武之諸葛耶何其太似之
而更能箴砭之也先生之業不
寧惟是其於易數河圖洛書演
禽遁甲莫不精論非世儒所能
窺測為文本諸六經子史書畫
又甚絕倫嘗晤文成甘泉慨然
究性命之旨躬體而力行焉如
世所傳經世要談大略可覩即
里居貽書當事殷々不忘民瘼

稍假以年俾獲大展寧不竟少
陵所未竟無如天不憖遺而遭
逢以後則一符合者少陵工
部先生吏部其生平官職同少
陵變遇祿山先生變遇彬瑾其
遭際不辰同少陵疏救房琯先
生疏救黃鞏其批鱗風節同少
陵卜居浣花先生築舍鼇石其
栖遁雅志同少陵歿後貧難給
器四稔始克葬先生瘞跡梅亭
松柏摧為薪其後昆不振同悲
哉章甫蒐羅詩文既備予因掇

拾先生雜纂及同時贈荅哀輓
碑碣詩話諸篇附之末簡用抒
高山景行之意誦詩論世者其
以予言為然乎否

崇禎丙子夏仲末學邵捷春謹

題

鄭少谷先生全集卷一

閩中鄭善夫繼之著

後學鄭奎光章甫訂

騷

汎太湖望洞庭

太湖風兮白波瞻望洞庭兮森雲蘿擷杜蘅兮
水中吊范蠡兮山阿日盈盈兮不極美人遠兮
柰何渺予懷兮夕陽聽不可兮吳歌

鳳山辭

義興杭世卿厥父省齋厥母王將卽于
鳳山故宅爲作鳳山辭一闕

夫唯山之效美兮紛衆萬之淑祥有振振之令
鳥兮絢采采之文章涓高梧以營室兮口卒瘁
而周皇殷九苞之未誕兮軒遠翥而求凰陸海
邈其伏陰兮屏爾類以自臧大網結于中野兮
二苞格而鳴岡徙阿閣于戾止兮披晨曦之耿
光慨祿運之倏窮兮翳冲漠而遙翔奇氣宕于
六天兮毛衣委于故邦羣鴟倨以自邁衆息下
兮如僵苟靈光之弗泯雖捐性其奚傷諄曰予
悲夫雲和之曲卒不續兮顧此鳥之永遺豈四
靈之不有兮世蓋溷之以蠓蚋與螽斯

賦

大風賦

繫大塊之噫氣兮駿獨蘊此颶風蓬蓬而起於
北海兮乃震蕩乎四窮砢礧礧如雷霆之行地
兮萬鳥噪而不集神龍孽螭赫然怒兮霖雨沛
其來下使海水而立雪山兮何舟楫之能持神

禹之不可思兮令陽侯而不來崩龍門而亥峽
兮浪滔天而不泄也天地忽而變此容色兮將
何物而不拆也哀萬物之肅殺兮夫誰而能遁
之何皇天之好生兮漠乎余將問之東園之樹
兮爾自今其蕭條小者拆而大者傷兮豈天命
之已當飛砂走石兮日慘慘而無光氣朦翳而
不長兮余蓋疑此洪荒昔堯舜之在上兮乃令
九年之涿水將聖明之撫運兮亦丁乎曆數之
陽九惟德弭變兮念天心之至仁神武之誅暴
兮氣至極必溯而四出凜霜冬沍兮中寔藏此
陽春余悲乎松筠與桂叢兮實余私之所鍾且
日就于沮傷兮何時蒼鬱而查同亂曰天時有
序君子之常君子齊德備此耿光分外之事余
何計量修彼墻屋葺我室堂天下廣居猗爾樂
康

愍竹賦

嘉靖癸未秋日載驟具風破條震蕩逾
旬余桑苧園有竹數叢老榦新篁日見

凋拆余甚悲之無是君子相殘之應也
感而賦之

余索居而寡儔兮臥桑梓於汭濱開三徑以候
益兮洵有志于古之人感杖柱於周詩兮胡賢
者之我親樹簣簣以終晦兮修孔氏之四隣抱
嶰谷之古音兮持至和以爲度垂纍纍之懋實
兮鷓菴式其來下篁條以脫籜兮具衆美之攸
同日比德而連類兮竊獨葆此歲寒何終風之
戒木兮悵獨食此險艱續衝條而折柯兮連宵
昕其不伏何金玉之琅琅兮乃變此殺伐之餘
酷皇天震怒苟罔不摧拆兮松栢則介而獨畱
余悲夫同類之相攻兮况復值此凜秋麗洵美
於三益兮遡前古而則爾吾清明之內懼兮蓋
君子而相詆嗟芝蘭之難榮兮荆棘麗而附資
縱向背之匪同好兮不愈於槿蒺之與荼蔬諄
曰皇天之罔攸好德兮自叢桂而伐之梗楠之
十圍兮風拔之矧此懋節兮非濁世之好也豈
細德之不可崇兮差未聞此道也

四言古詩

古戰場

朝發汾河暮經白溝茫然戰場四時爲秋黃雲
阨關壯士不憂拔劔斫地戰骨無收風沙冥冥
彌體嘯歌鳥飛不下客行柰何世無鳳麟龍虎
鬪爭誰哉弄丸四海解兵

菖歎二章贈孫太初山人

菖歎葱葱在彼澗濱歲茁九花世人不紉秘之
頽谷以俟雲君念彼葦菴蒼蒼廣津

其二

菖歎青青在彼原隰歲茹九節可以絕粒華滋
寂寥爾乃獨立世無神皇鳳衰麟泣

野田黃雀行

玃玃黃雀集彼榛柯上有鷲鳥下有虞羅低飛
不可高飛柰何曷不去此野田有禾鵬雛搖搖
隼則制之兔且纖纖鴻則罹之龍潛在淵可以
全身壤螻不屈何以引伸朱鳳威垂稠羽是依
鷓臯化之矰戈安施

梁之石操上楊國老

梁之山兮岳岳其砥石之磐磐與雲及雨膚合
之施其誰弗被立天之中君子不匱天常西虧
地亦東潰我不爾奠曷其有位大皇時行大浸
時滋懷貞用敦君子以幾

夢井歌二章

有引

昨夢井水溢地上甘而溲列於荒墟心
惻然也占曰井水溢施弗窮也甘而溲
用適中也溲而不食道弗庸也明王中
興而列諸荒已焉哉作夢井歌

井之京京其出淵淵汔至不繙謂我叵泉甃如
幕如我夢乘如寤懷載且維以永戲

其二

井之淵淵爰是用汲王明王明受此戩福溲而
不食於井何傷君子之履不遷其方

白泉二章贈汪希周

湔湔流泉行彼地中燦爲星宿麗爾雲空萬殊
之母直遂涵弘賁以正本蒙以養功君子果行

不顯其逢

其二

湔湔流泉瀉瀉濫觴積爲江漢博大以剛彼王者明受福無疆神龍所都厥澍載滂君子利用何往弗臧

鄭少谷先生全集卷之一

下

閩中鄭善夫繼之著

後學鄭奎光章甫訂

五言古詩

飛龍引

採銅鑄寶鼎煉作九還丹服食壽長生長生千萬年白日跨飛龍宸遊上九天如何鼎湖路一去無時還君子貴返終仙術諒非難方士費論說彼心詎能安秦皇與漢武黃土高嶺岼

遊蒲中麥斜巖

陵坡回煥風
楸枰淨如沐
戒言尋浩渺
聊以散沈鬱
况茲二月半
芳草萋以綠
青霞媚遙天
烏巾入殊俗
嗽崎麥斜巖
幽人有高足
懷賢招艾軒
探真小樵谷
世緣夙已斷
碧嶺不可辱
君看南昌尉
去去從所欲

其二

麥斜何嶄嶄
茲遊愜心魂
石洞入窈窕
不說桃花源
白雲走平地
崇岡亦崩奔
松篁翳重陰
境幽判寒暄
天關手可摩
始覺所歷尊
赤城去不遠
玉禾行當蕃
相期馬子微
於此採靈根

登雲居山二首

貪清不自愛
歷歷疎遠目
緬懷雲居勝
駕言陟層曲
樛糾遁斧斤
岐徑積樸檉
雲棧紛當心
不敢輕落足
捫枯驟戰兢
披荆逾匍匐
虺羸無奈何
况復迷浚谷
雖無夔莘警
詎測甃絃伏
少焉青霞深
轉思白日速
山海信偉觀
何以慰彳亍
我行孰驅迫
自致窮途哭
伯陽不出門
世路了

如燭願昭籤子誠或免華山辱

其二

梭奇頭欲改禹穴未得傍忽慕麥斜巖玄境足
佳况連峰削芙蓉石門天下壯篋管復脩織天
聲落屏嶂雲居獨奇絕遐思愈飛颺以茲發高
踪力欲排雲上百息徑嶮艱一眺極沆漭鷓鸞
稅仙驂芝蓀洗凡狀試按山海圖一一皆不妄
雖然羸瘵成已過平生望應悲罍居子兀兀坐
盆盎吾將從盧敖直與雲露抗西凌崑崙風東
薄滄海浪前期邈悠悠拊膺以惆悵

下何嶺

雲居不可升塞型眇天上颯然下何嶺歛若墜
青嶂數日愁險艱及此愛平曠林墟相維亘川
原亦排蕩春容麗華滋百草不相放躑躅谷鳥
喧坐失青藜杖山中勝事繁林叟重揖讓豈無
山水癖筋力故莫彊栗里在人境君子有未尚

溪上

南行遵溪澗流景何楚楚溪毛繡藻繁游魚聚

相煦錦石亦參錯綠髮明可數小者如臥羊大者如伏虎飛湍所磨蕩兀兀自太古叢薄交深春不但蔚榛楛茲遊倦登陟到此一延佇况有令主人意氣不爲忤擔囊輕百里一一適我所春花未終極豈卽懷故土錦江非不佳人情薄如楮西遊杜陵老安得免愁苦

復晴趨仙邑

晴光蕩游目一雨山逾碧脩然戒晨征乃爾騁雙屐脩林靜宿氛故術沒行跡僕夫重遠路賤子有奇癖南循抵仙城北放蘭阪陌波嶼行有需朋曹意安極我生無漫游允得就三益

古意三首

蓬門霜雪繁玉顏苦禁當稍識春風面春風轉斷腸

其二

蠶盛不理粧露采陌上桑但知織作絮不覺年貌傷

其三

寶鏡皎如月價值千黃金偏照可憐色不照可憐心

甘泉子

客有羅浮君羽衣行翩翩長揖謝世事鍊性三十春沆瀣不滿口貌如藐姑神問道廣成子空同高嶙峋挂瓢倚樹枝振鳥天風門謁來吊延陵晤言東海濱示我紫尸術挺身入層雲誓將結瑤華引手長相親

子夜吳歌九解贈殷近夫

郎今落海濱儂亦可憐身不見昌陽草何曾生

要津

一解

儂身不下堂郎居隔江水雖則隔江

水思心日萬里

二解

昔別於何時十載參與商

豈是無所見狼嘴夜夜張

三解

夜夜撫素琴惻

惻生怨慕枯桐在膝上梧子在何處

四解

融融

四五月婉婉采蓮女海上無芙蓉渠誰則識蓮子

五解

低頭摘荷葉舉頭看月光歸來覓剪刀爲

歡製衣裳

六解

終日對海棠終夜不成寐何以

不成寐花開儂獨自

七解

登樓看雙星蜘蛛在

樓角綿綿腹中絲求匹不能得

八解

歡去一何

久歡來一何晏來時何所贈雙雙雲錦段

九解

吳中吟二首

出自吳東門遙望姑胥臺望久無所見回風慘
蒿萊圖王志未就神木生劫灰三復春秋傳英
雄使人哀

其二

越女進館娃楚囚落天涯二物不並立海水漂
鳴夷湛盧南人郢神物竟先知吳宮八百年日
夕遊鹿麋緬晤喪亡主豈盡庸以誥

冬日同顧九和殷近夫孫太初顧與成汎
太湖

震澤夫何如歲晏意自好天風吹玄冥雪浪入
浩漾鼉鼉浮山岳白日搖晴昊洞庭渺林屋流
水隔煩惱昔有綠毛翁於此採玄草風雲白石
牀鬼物爲持保聞茲長道念攜臚事幽討平生
竹溪逸矧是同懷抱相從捫綠雲坐聽啟鴻寶
終當吸沆瀣去去遊亭燾

江上送殷二秀才

覲子在逆旅失子在歲晏一似南飛鴻一似西
歸燕繁露戾修林終風捷如箭過翼趨所期殊
方卒相見物情異冷煖人事阻華面遲余玉門
春子復宥梁殿

元日

東君御征轅玄冥迅回車溫風倏爾至古梅茁
其葩桃戶新受符蓼盤香團芽感此念故里兼
之懷年華炙蠟洽弟兄問歲話桑麻二期走逋
旅簪紱生嘆嗟坐茲失初服五內長負痾鬼窟
有穴狐凰木亦棲鴉悟機貴在蚤勿令負雲霞
放舟荆溪尋張公洞不果歸至瀟湖起步
長橋望煙景放歌

日晷于東馳羈人復北征鼓舫下荆溪言訪張
道靈緣薄扼事艱意短迴修程稠年戒襟素履
茲荒志誠坐令紫霞居遠隔於青冥所賴瀟湖
好煙景疏天聲躡蹠騁瞻眺稍慰滄洲情青鏡
不肯私金精幾時營寓形若流電空懷紫金經

河上送鮑使君

柔風協河洲回颺被泗濱賢輶指玉衡過門不停軸結交何所將解我雙英鼓豈無錦繡段感彼並朽蕞希君復自愛勿使輶出櫝

貧女吟八解

南陽有貧女抱甕立水澳趾短泥濘修挽衣以彳亍自言良家息淪躓類草木亦知奉壺範誰與周乳獨一解乳獨誰與周室中無儲遺閉戶理機杼苦樂中自知揚聲度昏旦糝糟轉無時

豈不愛綺羅迺有杼軸悲

二解

杼軸曷足悲感

往思維谷三年喧格鬪肉骨不可贖非無好里間處子有約束失時當告誰甘此守餽粥

三解

東隣有嫠婦宵旦當戶哭良人淹戍邊存否不可卜近聞邊釁起百萬化魚肉生離云有期死

別竟何續

四解

西隣亦送女夫婿輕薄兒朝捷

忘歸矢暮挾青樓姬床頭合歡被桁上嫁時衣悠悠百年思采非生怨咨

五解

南村有棄婦曩

亦誠雝肅夫君心不同入闔轉見逐白頭且勿

唱綠髮頓空谷榆蒲悴高秋却怨飄風速

六解

北里多豪華服御紈與綺張幕集權貴炮熊炙
文鯉妙舞襍燕趙徵歌遍梁楚豈無良蹇修妾
心白不爾

七解

鳳凰棲梧桐下食青琅玕鴟鳶

嚇腐鼠但識彼所歡人情競刀錐豈識達士賢
庭槐鳴周周微音向誰宣

八解

義鳩篇

端居肅元府永惟玄化機神理罔有忒衆萬詎
能違翔植紛總總氣感率有知無論大聖狂咎
休固其宜荆茂于義音烏馴以孝思細德亦鼓
物而况鳳與麒戒言彼狡童胡自決德基達人
上內植履祥復何疑

贈黃肇三首

終風勁柔條遊子返故鄉兄嫂糝藜羹慈母縫
衣裳離觥載恓惻平日天一方來忘楚塞遠去
覺閩山長

其二

來如秋空鶚去似春泥蠖春泥何淤沮百足進

復却人情鄉邦好歸客何蕭索室堂雍婉變殊
方信不惡旋飈掠檣烏骨肉臨當坼

其三

上林未揖讓廣莫進癘瘴大江不可踰坡陀莽
翻蕩入門報所親何以慰惆悵庭萱蕤有永塞
鴈宛相望

夏日闕庭見鶴

景風薄梁殿銅雲迺玄虛侵星不櫛髮入直承
明廬竭來雙白鶴蹒蹒下形除竦身舞飛容揚

音結長吁物情含所因悲鳴胡爲乎曰余覽幽
經覩爾情不舒霜毛麗藻質豈受泥水汚內飶
土木氣外有金精敷盜泉非吾願腐鼠安足圖
緬惟玄圃驂迺是青田雛言茲非世畜何以羈
此都誤入燕雀網遂被樊籠拘委質太液池昂
藏狎鷗鳧崇朝受餅餌向夕聽傳呼以茲抱懊
惋寧復競盈餘冉冉積年歲玃玃向盆盂豈無
四海心所惜六翮疎顧惟鴈犬坊豈乏耳目娛
矜春有雪衣絕地復的盧終當返真性去去翔

天衢一舉歷五岳再舉遍九區翛然逐鳳凰下
來瑞唐虞此意良不極流光倏于徂麟傷古亦
然聊自遣煩紆

夏日嘆

長羸何蒼涼大火不烘爆燭龍西北死跋烏東
南蹙遲遲凌魯桑忽忽下蒙谷鈞天不敷華羣
陰豈全伏金星似火赤未盱卽動角應感陰沴
盛轉訝日晷促羲和職業廢寒暑事反覆麥秋
猶寒衣絺綌未卽錄雄風來蓬蓬慘怛蜚大屋
揚霧清晝昏愈覺白日速迅雷不發榮虺虺振
坤軸三時無雨澤何以升五穀螻蟻復不仁延
禍到樸檉近聞河內外數載茹草木更兼豺虎
繁死者十五六諸公樂安穩羣倖厭梁肉萬姓
亦何罪坐使蒙螫毒以茲和氣乖無怪邊釁跋
天人象已顯巖廟計須熟緬思弘治化歷歷在
耳目燮理得所司氣候有攸屬八風率順序五
緯不愆轂廿年宣重光萬國昭玉燭平路生廣
庭筮脯出荒服所以覆幬下老不聞殺戮中遭

屢更變美意尚可掬勗哉柱石翁弘治是龜卜
狂夫不解事豈敢麋廩祿倉皇杞人憂凱切麥
丘祝但願麗大明末光昔曾曲

題九峯書院

圓象序典沒大道茂消沈濂伊冥契後作者紛
林林石鼓未榛莽嵩陽亦嶽峯九峰復何如夫
子重幽尋結架雲霞交討求松竹陰探真破衆
眩集虛嗣希音川注理有託物化情廼任鏘鏘
廣陵散寫之龍脣琴閉閣綴道論永爲後賢琛
曰余早迷誤捷徑坐滯淫竊昧無窮門浩蕩糾
寸心睠言樞裳衣畢志遵所欽

贈潘子四首

俚子習巴唱佳人奏陽春懷仁出湘浦信美乃
寡倫心期不自媚持以奉明君上絃協鳳吹下
絃泣鬼神邊地霜霰繁剛風凜以辛但恐變商
徵指詰不得伸躊躇廣廡下此意難重陳

其二

大道久湮閉王英改波瀾時流習玄默危言伏

禍患君子守貞亮所貴殉世艱嚴霜被廣域朱
葳駭前觀嘉卉亦摧頽而况葇與菅茂子竹栢
意慰我樛櫟顏春華諒峭蒨表之在歲寒

其三

念昔與子別繁霜結崇榕猶懷烏石鑣復轉并
州蓬昔也辰避參今茲鷲離鴻羣生固無極百
齡會有窮平時所交友昏晝誰則同蘭苕向披
靡玄曜豈恒中子其保光惠遠行慰恍恍

其四

浮金蕭叢薄黃落棲廣墟念子事孤往煩憂結
不舒斥鷃足蓬蒿鳳凰則高梧誼雅苟不易豈
必均所趨志士貴努力丈夫行棄繻

東海有一士

東海有一士被服雲錦裳饑飧炎洲霞渴吸瑤
池漿鶴馭何翩翩九垓一相羊朝發崗良野夕
憇沈默鄉睠言與汗漫抗臂窮洪荒九州雖云
大視之如室堂紛紛尺蠖徒看彼鴻鵠翔

黃伯固

黃郎遯世士抱影處空谷擷芳上木末采藻立
水澳妙善難可隣歲暮守幽獨懷姝匪自媚出
門重結束風雲一撫念故術草豐蓐鄙夫附丘
阿達者從所欲康樂營石門知章疏剡曲存道
苟不貳豈貽山靈辱

秋夜遲王員外時行

涼風升寒節切切充重幃堅冰戒時至鴻鴈明
其幾春滋淨不處秋隼方高飛鑿物沈幽志誰
能不懷歸素月臨丘榛灼灼澄圓暉圓暉豈不
愛零露沾我衣遲我同懷子濡滯尚安之呼琴
爲子鳴調苦使心違不恨歲載徂但恨知音稀
盈縮本恒理傷哉生別離

初離京邑留別諸同志四首

陳車遵城闈振策導廣路仰眄孤雲征俯見流
波泝感念平生懽豈以杯酒故羣居不自覺相
失增怨慕川河引舟楫陵陸曠煙霧重覲難可
尋努力敷襟素

其二

浮萍戀故波離鳥思故林故林旣得期儔侶無
遺音與子共朝夕奚堪更商參山河日以邈霜
霰日以深鴻麟無時至安能訴幽襟晤好諒有
時迅節忽載陰願言敦明德白首慰離心

其三

馳車太行坂北首入楚澤迷途不早悟困頓安
所適爵服載憂患趨者何充斥流俗日向靡胡
爲重濡跡京塵復何長不見所緇白凡駘御文
輿赤驥且辟易誰能違衆好共整東山屐

其四

長歌逾薊門凝眸眺崇京陵闕何崔嵬馬行令
心怍雖云返鄉域不獲偕良朋勞鶻無勁翮斷
鴻有離聲幽期莫可並沉慮獨拊膺

見蜚鴈

涼風動沙磧朔鴈至紛紛爲避陰山雪翻衝楚
澤雲嗷嗷清作籟總總字成文意適稻梁得心
驚弋彈聞時縣出塞夢肯妬下韝勛遠愧青田
鶴高飛絕世氛

謁留侯祠

吾慕張子房乃是紫霞客志士有苦心麟趾暫
驅策功隳博浪沙折節下黃石談笑用漢祖畢
志任所適神山逝朱鳳鷲鳥空累百

大雪行三茆山中

解束悟服食營慮結山水比聞三峰秀賫權一
來此同雲布坤維六花漫不止升危滯遐蹤寓
目殺高志真源不可往罔蜮兼泥滓居凡殊所
厭還丹亦難持太虛本宅無彭殤同已矣安得
莊生達相與析玄理

遊煙霞洞天

今我忽不樂駕言結遊駟遙望南山木鬱鬱有
真意崖瀑垂素幢谷風擊繁吹洞幽無別踪白
雲藹而至狨啼修術暗猱闕樛枝墜山精綠羅
衣見客宛自媚形遺物不違真存道匪貳鑿茲
澹心想去與衆俱棄

贈何仲默

何子生知姿弱齒咏鳳皇垂帷破墳籍一目能

十行雅調走鮑謝雄才抗班揚黃鍾一徹虛絲
管空鏗鏘陸沉金馬門卒歲泣麟傷賈生亦逢
時杜甫終爲郎古來聖哲士位細非所妨光光
大復山後賢永相望

贈近夫

石川山東晶童稚只自樹昔探莊老窟終蹈宜
尼矩學術通天人聲華照區宇中年隸宦籍志
豈屑軒組挂冠四五載遜迹謝官府近因避虎
豺復出圖三釜海邑方用兵庶務紛蚤聚才聞
借寇恂已見思何武吾觀江河流喧歷惡足數

發越州

生無冠組分碌碌守迤邐越南十二月盡室復
遠遷故國眇天末扁舟薄言旋閩中地氣暖可
免絲與綿舊業雖荒蕪尚有一頃田他鄉困饑
寒胡爲重畱連且聞江海熟已不憂荒年此州
固信美旅寓豈其然盤飧未易邁薪水亦費錢
雖得山水玩顧非貧士便素癖厭人事况乃居
市廛毅然舍此去飄飄御風煙夜泊桐江雲放

歌漁父篇朝登富春山釣臺兩高懸如云迫遲
暮頓覺忘憂煎行復經武夷真詮落吾緣引手
向紫霞高招控鶴仙沆瀣亦可飽安能逐鴟鳶
跼跼禹跡裏衷情向誰宣

嚴陵灘

咄咄嚴子陵竟不能下爾迢迢富春山澗澗桐
江水渺渺窮居士皇皇漢天子當年布衣交一
且君臣禮渭川罷釣綸莘野釋耒耜上賢尊天
瑞所願贊天紀但非魚水會往往委泥滓明王
久不作吾道長已矣

憶李御史雲

憶昔在吳會與子共昕夕劇談倒百壺醉咤滄
溟窄晨光倏不處人事轉凄惻子復苦羈旅子
已作逐客鄱陽波浪深南岳瘴霧塞鴻冥天萬
里帛書經歲得誰知消息來竟作幽明隔冥契
既永逝今我何蕭摵曩時青蓮花持抱化爲石
回首靈源山雲際且屏迹

故太傅于公謙

太傳出南方眉宇天人表曩在 英廟朝讜論
多了了三邊正統末胡羯日俶擾 先皇巡朔
方虜騎伏潢沼黃雲阨塞垣仙仗迷周道法駕
一蒙塵作意索金寶京城旣搖動和議雜紛糾
公時贊戎機決策截瀾倒告廟定儲君誓衆守
隍堡耀兵向陰山直欲舉征討居庸扼咽喉鐵
馬豈得搗坐令虜計窮食盡師遂老翠華果全
歸黃屋免再造雖重獲罪戾社稷功非小功高
反殺身於古亦常有固由天威赫寔爲青蠅撓
天日終輝輝卽見是非瞭神衷啓 後聖殊錫
達幽眇憶昔靖康亂謀國何草草堂堂宋諸良
唯唯遵和好甘心拜犬羊所以至絕島直書在
史氏公節須皦皦

贈方豪

崑山天下士抗懷薄秋旻作詩接元白開口奔
鬼神狂來放厥詞妙得造化真習尚罕時好結
交必古人三年策仕版八口還憂貧民俗日向
澆直欲回其淳尸各况疾惡所以讒柄新鄒陽

固得譴鄭僑終見親迷途墮老泚誰辨玉與珉
君看棠陵山萬古當嶙峋

須溪除日

茲夕乃何夕忽忽歲云徂南征歷寒溫猶滯天
一隅去年闔閭城今年姑蔑墟風塵久未厭豈
得念故都懷中兩女兒旦夕如長鳧出門初學
語今能効屠蕪團樂豈慰意惻惻悲隙駒比隣
數知舊別後還有無爵服旣不情鉛汞亦我誣
九野天浩蕩奄奄正愁予

贈周用賓歸江郎五首

岩岩三神山鬱鬱山上木叢株糝古雪雲際守
幽獨附枝中梁楠匠石豈不欲寓形萬仞岡沉
澗空中浴其名曰冥靈千春葆芳躅桂樹亦歲
蕤迺有斧斤辱

其二

衢陽何所有江郎兀南陞雲霞幻奇態萬古天
爲低飛鳥莫可上人跡將焉爲上有珠貝宮神
物光陸離吾將遊其樊薄言采玄芝

其三

翩翩黃鵠鳥頓足珠樹林誤入燕雀網稻粱非
宿心羽毛日摧頽逝節已載陰終焉摩青天高
梧結珍禽秋風下木葉各奏世外音凡鳥空嘈
嘈角鷹扇禍淫玄陰一解散求友意何深風翻
或相及無忘寄幽襟

其四

昔我歸山中敬訪江郎石相逢草莽間意氣兩
測識電露無恒期煙霞有真色黃泥天雞沒感
子何所適葛洪以丹砂玄聖終沙磧通潛自天
行達者固無室贈子白雲篇心知詎宜默

其五

繁霜襲廣野怛怛失衆芳送子不及遠歲晏令
心傷結交豈在故所貴日暮遇曰余罹天殲尚
爾界覺路青山何逶迤行子有所之異域雪霰
盛勿使白鶴疑

讀李質菴稿

雅音失其傳作者隨風移於楚有屈宋漢則河

梁詞曹劉氣軒軒逸文振哀悲兩晉一精工六
朝遂陵遲角然尚色澤古風不成吹盧王號詞
伯祗用綺麗爲千年取正印乃有陳拾遺或不
盡反朴朝代兼天資所以王李輩向道識所期
大哉杜少陵苦心良在斯遠遊四十載而况經
險巖放之黃鍾鳴歛之珠玉輝幽之鬼神泣明
之雷雨垂變幻時百出與古乃同歸律詩自唐
起所尚句字奇末流亦叫噪古意漫莫知歷茲
六十紀識路良獨稀鳳鳥空中鳴衆禽反見嗤
夜寒理危絃惻惻賞心違

贈吾謹五首

竭來潛元子偃息蒼雲根懷姝三十祀爲亢遵
世屯旬候翔虎貍鳳鳥乃孤鶩微榮曷足貴所
貴至道尊糠粃鑄堯舜水虎伏玄門豈同曲轅
櫟遁天得長存

其二

采蘭荒江陬繁芳被羅襦采采不自媚征途爰
有需征途何遙遙波嶺爭洄紆宵旦判辰參卒

歲馬可圖南州瘴霧塞狻蹄下城隅永言守沉
晦去去寧君軀

其三

南服有佳人遺身在遠道上衣雲錦燦下裳花
萼繞容華耀朝曦歲晏結芳草獨行誰與娛抱
影心正搗豈無合歡被附托苦不早楚璞思一
獻和氏莫復保世無良蹇修雌守以終老

其四

麟爲希曠禎何以至魯藩大道久喪世麟趾在
人間仲冬鉅野風狉獍乃高蹲合圍不才遺靈
物罹其樊虞人折爾足眩爾貂與貍豈但子鉏
商魚眎乃溟溟大鵬息南溟培風會高搏紛紛
枋榆鷄安知九霄翰

其五

京洛貴遊子結駟康莊衢前麾擁楚舞後驂雜
吳歛結交盡侯門意氣陵上都玉食豺虎側閭
者適所趨寧知窮巷士久久頓空廬冬裘不掩
脛夕粟無斗儲阨抑曷足悲主者顧乘除神奇

化臭腐榮盛可久居子雲草玄地千載名不渝
雙劍篇贈毛汝厲

雙劍在昆吾淬礪良獨勞年歲旣已久况茲以
鵜膏豐城古獄下閃閃星文高雲遶一見收結
珮事遊遨被以黃金鞞繫以赤玉縑霜鋒按月
窟萬里風雷號一劍乃棄置埋照同鉛刀豈不
愛光霽乖謬異所遭有時匣中吼魑魅皆遁逃
神物卒當合世人那得操君看延平津糾糾雙
龍交

出江送汝厲二首

漂漂海上萍卒卒梁間燕與子結同心何意異
鄉縣游團散景光譚討猥深眷睠茲朱旻際乃
有此睽判川途何渺默年運復流轉豈無繾綣
心王事不可緩君當翔要津我且守迤賤膏煎
以自明璞辱以自銜願言沉光惠勿使闇者見

其二

西北日晻晻宮觀凝寒煙行子暮何之駕言北
之燕前驂結良駟後徒控華旃中興歌響發楚

聲一何繁一闕遠別離再闕行路難薊門無清
塵易水有急湍曠士懷明義天步故多艱賤子
甘自營淪晦亦所懽乖期在昧旦且復叙涼暄
容輝無時及表之英琅玕

南山一株松

南山一株松衣被何嬋媯上焉絕雲氣下者抵
流泉季秋零露沍百草乃棄捐修條抗回風况
結霜霰緣附托一得所斤斧那得前所以保容
華閱歲及百千紛紛蟬居子豈知有大年

答毛汝厲侍御

仲夏夜向短忽忽不得寐所思眇天末鴻鴈冉
而至佳人隔湘波遺我雲錦字開緘珠貝光疊
疊見深意綢繆梅劔言詎諶膠漆地時危先金
甲儒服久淪弊感子情義重難以筆舌記念昔
在京師邂逅意交質文章詎足傳偏愛無妬忌
逢人說項斯益見君子誼我生豈土木嘖嘖賞
風味頃來趣南方驄馬金絡轡僣僣表幹臣赫
赫天子使始識豸繡衣已褫魑魅氣如何駕

鼓車乃用此騏驥所幸日親炙慰我色憔悴公
門數十尋不見所深邃俯心下微賤此輩一騰
沸平生詩百篇繕寫入篋笥自愧交遊間何敢
復當是鄙夫昧逢迎動輒得詈戾遽意遁樵漁
橫逆莽復熾非子善解排何以控軒輊疑情外
形骸奮舌略榮利豈無英又者與我獨投契朱
炎射北林檣烏蕩離思惻惻芋原吧悠悠岳江
涘樓船忽復解我馬何當係江山一搔首天地
雙揮淚君才萬夫敵偉矣瑚璉器富貴何可言
勛名會多事九域悲風塵三垂更烽燧疎瓜莫
華滋短狐暗窺伺先帝在天靈仗爾濟顛躓
桓桓裴晉公彪炳於史氏王通雖鏟采戀闕心
尚闕太平十二策寂寥昔曾試持危良獨難避
色信所致古今賢達士用舍各行志贈子猛虎
篇高歌髮欲豎

少谷山雜興

輜車入城府不染市道塵買山水部巷石壁爭
嶙峋嘉果自四時橘柚及棗榛樹木更茂蕝梅

竹逾精神茆亭覆石上風月爲主賓芸軒矮且
陋著書掩柴門褰襪非我朋心知遠見親神閒
多暇日棋局見本真雖居赤縣會每結青山雲
鱗鱗十萬家刀錐忘夕昕茲山豈遙遠煙容自
津津四郊願寧謐永作草茅臣

遠離別

近別不顧家朝往仍暮還遠別不顧家出門寧
計年出門復入門兒女相牽攀鴻鵠懷四方豈
受燕雀憐涼風動沙磧劔歌慘不歡拔劔莫割
水悵此離別難同胞遍海岱所貴天綱全孔聖
欲居夷老聃行度關意氣苟相安豈在華夷間
遠別卽當別懷土非上賢

白雀詩

有鳥曰嘉賓結意公院深族類分摠摠中有三
珍禽毛羽白勝雪噦噦吐奇音卑尊與賤貴食
宿明素心虞羅得之喜言是世所琛飼以香稻
粒嬌愛輕黃金置以白玉樊鷲鳥不敢侵行將
貢明主上林逝駸駸小鳴天地白大鳴徹古

今化國彙振德修能無滯淫類此蓬室士懷美
遵丘林一朝被爵命照耀巖巒巒巒陰永言復自愛
野田有遺吟

威鳳篇

景風布南服晨曦射丹臺威鳳何契闊千載一
徘徊聲響世不傳簫韶昔所諧虞庭旣寂寞岐
下亦蒿萊孔雀與野鳥朝代紛疑猜今時夫何
如天末鳴喑喑乃有搏牛豨鬪托凌太階此曲
不可竟九土方喧歷

短歌行

跨馬出郭門馬疾不埃鞭長跼挽君馬聽我歌
一言涼風戒芳樹白露淒寒蟬君子有所思遠
遊及幽燕在家人所愛去家人所憐朝饗不及
飧豈得戀膝前下有黃口兒上有滄浪天今時
何清廉盡室難遠遷但見被雲錦麻象無棄捐
獨行多辛苦加飧以延年

寄惟可

蹇裳采杜若江水何瀾瀾借問采何爲將以遺

君子人心無終極天涯豈伊邇迅節易載陰往
事更此僂時危生計拙何以托疲薺桂枝有晚
芳芙蓉在秋水非無歲寒姿亦逐江草萎櫟社
神所祥永言葆玄理

寄顧九和侍講

昔在吳子國對君啟心懷朝遊太湖水暮宿姑
胥臺狂吟各寫志醉倒黃金壘張衡賦四愁王
粲興七哀同心而同調一嘯卑九垓翩翩海鶴
舉颯颯天風來煙波忽相失各在天一涯君爲
九霄翰我似窮途埃音書阻歲年沈寥隴間梅
亦有芳菲草念子思悠哉遲暮不我顧零落同
蒿萊

送李道夫赴闕兼懷仲默

胡羯且構患我友之朔方朔方萬餘里金門鬱
煌煌下有避世士大隱而誕章十年風塵深寂
寞中省郎食祿侏儒下修身思何長我有薜荔
裳因子遠寄將一以存苦節一以昭不忘

歲暮懷京華諸友

憂思苦不徹歲暮登危岑關山百二重江水渺
且深水深亦有涉山阻亦有臨念我諸同袍一
息斷風音君爲天上鳧我爲水中魚飛潛自情
性安能識盈虛遙望北斗星不見北斗城參辰
俱在天牛女亦分明同域而相避何況異天地

遊子篇

睠彼不周風喟然思九夷九夷限波嶺遊子逝
何之馳車越幽薊天路逾險巖齊州豈不戀嚴
威剝人肌襜褕可禦冬所懼不予貽在賤貴所
忽在遠邇所遺子去華衣馬敦我忼慨詞

贈道夫四首

華輶戒昧旦之子赴北闕叢林無繁條天氣正
十月中逵判綢繆豈不念鷓歷贈子金琅玕
吶心結悒京觀多緇塵終風永夕發修坂無逸
軌知者備失履故家亦有懼浮榮亦有歇志士
無閒居國憂固艱脆持子東門行微言不堪說

其二

大道未底夷回飈無時起君子思致身小人亦

蹉跎結綬晨出門長道從茲始馬周一布衣埋
迹殊無似常何出片言玄纁轉踔躡一旦白板
扉光彩連州里拙哉孟浩然非無聖天子平生
得意句濩落入泥滓咄咄歸南山悠悠謝朝市
顯晦無賢愚自古靡不爾蘭苕言永懷忽逐春
華萎

其三

頽風吹岳水飲子白玉杯意長酒力微日暮倚
徘徊十年綈袍戀歲杪起離哀咎愆孰與陳遊
衍孰與偕故國不可居魯生行鑿坏金臺何舉
峩首山亦崔嵬茂子竹栢心餘陰及枯荄

其四

富貴苦相迫師徒多遁巡况當強盛時誰能分
沈淪之子仗劔出舉足生煙雲河淮漫浩浩中
有要路津豈忘風波恐壯士念委身陳霜沍修
途落月經袂振良友志異域此意難重陳欲扳
時無何欲往道無因願爲雙意而飛飛出城闔

擬古

勛名不可圖嘆彼時運乖佳人處幽谷心思日
如摧未盱柴門閉盛年不克諧豈無合懽意蹇
修孰與媒霜閨雲被寒玉顏暗中頽翹首孤飛
鴈離離令心哀

宿石竹巖

寢疴坐情累削迹離故家屈茲仲如月氣候清
且嘉迢迢紫雲洞渺渺天一涯尋壑滯瀑流攀
岑悟靈芽千峰遞生態百草互吐葩周覽蕩節
物况乃凌紫霞神仙彷彿遇導我營丹砂丹砂
未易營緇髮早已華神理寓隱蹟時變增感嗟
至人有逸念存形非所多

苦辛行

貪清不自愛歷歷疏遠目緬懷雲居勝駕言陟
曾曲樛料道斧斤岐徑積樸檟雲棧紛當心不
敢輕落足捫枯驟戰競披棘逾匍匐疋羸無柰
何況復迷浚谷雖無夔莘恐詎測蜒蚘伏少焉
青霞深轉訝白日速山海信偉觀何以慰彳亍
我生孰驅迫自致窮途哭伯陽不出門世路了

如燭願昭錢子誠或免華山辱

王右軍

右軍鸞鳳姿初齒寓隆想沉睡乃真覺坦臥亦
疎朗臨池灑妙翰抗意風雲上籠鵝事偶然草
經有攸徃

鄭少谷先生全集卷一

